

Biblioteca Nacional Aruba:

Healthy Soils, Healthy Living

IV Green Education Symposium Aruba 2015 di Biblioteca Nacional Aruba ta tuma luga den e siman di 7 - 11 september na biblioteca na Playa. E tema di e simposio educativo ta "Healthy Soils, Healthy Living!".

Biblioteca ta organisa e IV Green Education Symposium Aruba 2015 conhuntamente cu Departamento di Agricultura, Cria y Pesca Santa Rosa y esaki ta specialmente pa e estudiante- y maestronan di scolnan secundario y educacion avansa di Aruba.

E scolnan cu ta participa na e simposio educativo ta: Colegio Arubano (Oranjestad), La Salle College (Oranjestad), Juliana School (Oranjestad), Mon Plaisir College (Oranjestad), Abraham de Veer School (San Nicolas), Cole-

gio San Agustin (San Nicolas), John Wesley College (San Nicolas) y E.P.I.

Riba e dianan 8, 9 y 10 di september lo tin tayernan educativo pa e studiantenan. E oradornan invita durante e IV Green Education Sym-

posium Aruba 2015 ta Dr. Ir. Filomeno (Boey) Marchena, Ing. Henry de Cuba, docente/medio ambientalista Teolinda (Olinda) Rasmijn, Drs. Mirscha Winterdal, Ing. Naviel Lue, Christie Mettes, Ir. Gisbert Boekhoudt y Shaira Croes. □

Tayer pa estudiante na biblioteca cu tema 'Healthy Soils, Healthy Living'



Dia 8 di september di 2'or pa 3'or y mei di atardi Gisbert Boekhoudt ta duna un tayer pa e alumnonan di Mon Plaisir College na Biblioteca Nacional Aruba. E tayer ta titula "Midi bo suelo y sa con pa cuida esey".

Durante e tayer Dienst Natuur & Milieu ta guia y laga e studiantenan mes midi diferente tipo di suelo di Aruba. E estudiante ta haci tres midimento, dos cu productonan di cas y uno cu un producto mas científico. Na final lo compara e resultadonan di e diferente suelonan y discuti cua mata por crece mas miho riba cua suelo basa riba e resultado.

Dia 9 di September for di 2 'or pa 3 'or y mei di atardi Filomeno (Boey) Marchena lo trata cu e studiantenan di Mon Plaisir College e historia di desalinacion di awa di lama pa produci awa potabel y industrial na Aruba. E tecnologia cu a wordo uza ta wordo splica den detaye y tambe ta elabora riba e diferente problemanan cu ta encontra den e proceso di desalinacion cu e planta nan termico y di membrana. E solucionnan cu a wordo desaroya y aplica na Aruba pa haci desalinacion di awa di lama un



tecnologia stabiel y tambe e proceso di condiciona awa potabel pa elimina awa bruin y blauw lo wordo splica detayadamente. Despues di e parti teoretico lo demostra un planta piloto pa investiga e proceso solar pa desalina awa salo y tambe lo demostra algun tecnica cu ta wordo uza pa analisa e calidad di awa dushi.

Dia 10 di September for di 2or pa 3or y mei di atardi docente/medio ambientalista Olinda Rasmijn lo trata e tema "Mangelnan ta di gran balor pa nos Medio Ambiente" cu e studiantenan di Mon Plaisir College na Biblioteca Nacional Aruba. □